

卷一

局志 36

圖

沿

革

封建表
志附

志附

73433

地
140.99
1276
21-8
部五

重刊萬曆萊州府志

吳郁生
署檢



己卯年夏六月

重刊萬曆萊州府志

蓬萊吳佩孚題



中華民國廿八年
歲次己卯六月趙
永厚堂刊於青島

重刊萬曆萊州府志序

郡志者探所屬州縣之故實而筆之削之會萃而成爲書者也各縣之掌故於是乎備各縣之文獻於是乎存各縣之吏治民風以及山川田賦戶口食貨甲兵阨塞人物官師亦莫不瞭如指掌故彙之則爲通志再彙之則爲一統志而史氏之權輿亦於是乎在萊州府志創於明嘉靖乙未年續於萬曆癸卯年嘉靖之志久已燬於兵燹而萬曆之志流傳海內者亦寥落無幾焉吾友趙君瑞泉東萊掖邑人也其先世於有明之初由西川宦萊而著籍於萊傳至六世兄弟競爽見田公諱燿兵部尙書吉亭公諱煥吏部尙書見素公諱燦國子監司業世傳爲東萊

序

一

三鳳者也自是厥後簪纓相繼累世書香至瑞泉而又大顯以卓犖之才宏達之識而具誠懇之性德英文字在在精通前長膠澳四年外交政治卓著偉績退休之後隱居青島蒐其先世遺著彙刊爲書復搜羅掖邑先哲著作將有掖海叢書之編輯於是廣採博訪得萬曆府志一帙係其先六世從祖見田公與邑先賢大理公董基所纂修也付梓有日而事變突起瑞泉乃抱殘守缺避地津門將以遂其纂述之志而青市商民再四敦請不得已犧牲成見出任艱鉅維持市政者閱一年政府嘉其賢勞又有青島特別市市長及特任政府委員之命青市以衝繁之區丁殘破之餘尊俎折衝擘劃整理卽旰食宵衣猶虞不

逮何暇計及其他哉一日瑞泉以萬曆萊州府志問序於余謂將重付梓人余爲低徊者久之夫紫陽從政先修志乘鄮侯入關首取圖籍凡欲維植風教藉往事以作政治之考鏡者未有不珍視掌故思有以垂諸永久者也瑞泉於庶政紛繁百廢俱舉之餘而有重刊舊志之舉此亦紫陽鄮侯之用心也而鄉邦之文獻祖宗之心血亦借此以不朽余樂其優於仕而篤於學也爰爲之序

中華民國二十八年己卯季夏古元和吳郁生鈍叟撰於青島
寓廬時年八十有六

序

二



重刊萬曆萊州府志序

趙宋以來爲牧守者必曰知某州後世師其意襲其稱於是府曰知府州曰知州縣曰知縣謂其於一府一州一縣之事當無所不知也夫郡邑廣矣其事亦至繁矣古君子膺受任寄早夜孜孜務以自靖其心者斬於周知無蔽而已已既周知之矣又恐繼我者之未必周知也則孜孜者不自我而止故凡郡邑必有志志也者所以詳書其方域山川物產田賦與夫戶口食貨之盈虛人物風俗之升降將使後之人繇是而周知之因而得所以爲政之鵠意至厚也近世不乏治志乘者且屢有增輯然攷古者必以舊志爲本趙君瑞泉先今長膠澳著風績比將重

序

三

刊萬曆萊州府志蓋其先世尙書見田公所纂萊志創於明嘉靖而增修於萬曆今嘉靖志燹後殆絕卽萬曆志亦流傳絕少瑞泉有志述先嘗輯刊先著爲趙氏叢書又網羅鄉先哲著述有掖海叢書之輯茲猶其初志也抑吾謂瑞泉是舉非徒尊先世之撰述存鄉邦之文獻已也其治膠澳旣孜孜自靖其心而深得之矣又慮往籍湮淪後之爲治者無所取則而孜孜然謀衍其傳蓋猶古人之心亦卽志之旨也世風遞嬗務新知者蔑先非古言治者亦以往制爲不足徵夫易之言通變者理固至顯然爲裘者必衡其身否則不適於御善醫者必審其體質否則不中於病爲治亦何獨不然究天下之利病者莫如史究一

方之利病者莫如志萬曆去今雖遠山川不改風俗猶存執是編焉以周知郡邑當時之利病因而詮究古今同異之端後之欲孜孜自靖者庶幾得津導焉世豈有不周知而能善治者哉然則是書重出謂瑞泉之有造於萊也可謂天之加福於萊而假手於瑞泉也亦無不可猥承問序乃書此復之瑞泉當不以爲謬也已卯長夏齊耀珊序於沾上廡樓

重刊萬曆萊州府志序

余少負笈長從政塵海宦遊忽忽數十載凡先人著作鄉邦文獻皆未暇稽考及解膠澳商埠組因卽卜居青埠始將先世遺著彙刊爲書顏曰東萊趙氏楹書叢刊繼念蒐集遺著僅限趙氏似失之隘遂從吾掖先哲著述按書目以訪求之以備異日掖海叢書之編刊但代遠年湮非覆楊氏之甌卽付祖龍之火時閱數載所獲寥寥掛一漏萬深恐爲識者所竊笑乃復旁羅博采又得數十種而萬曆萊州府志亦因而抄存是志也予先六世從祖兵部尙書見田公與邑先賢大理寺丞董基公同受太守龍公之聘所纂修者也吾萊雖僻處海隅固名勝

序

五

之區文獻之藪也於山則大澤勞山之高於水則東海北海之大且深於人則名賢碩彥應時輩出論學術則有庸譚徐房徐幹鄭康成論孝友則有王哀淳于恭論節義則有禽慶王修杜松贊論正直則有王儀是儀韓熙載論操尙則有王昕公沙穆論隱德則有逢萌論知人則有高構論高義則有孫崧劉敏元論政事則有滕撫張允濟凡此殊行絕詣炳炳烺烺焜燿千古故萊地雖一隅而卓然可志者筆不勝書夫郡邑無作史之權志乘之作與國史異國史寓褒貶志乘專揄揚體例然也然彰善卽所以殫惡尊賢卽所以絀不肖善勸則惡者知所警賢尊則不肖者知所懼其勸懲之隱顯雖不同而其所以維植風教

則一也况一方之典章文物禮樂行政甲兵要塞戶口田賦食貨職官莫不燦然大備然則志乘之所系不儼然與國史相抗衡哉於是謀諸剗劂將以梓行乃志未遂而事變起倉皇出走避地津門光陰荏苒六閱月矣而青市商民謬以余爲識途老馬迫促回青予始以情義之不可却免任維持繼又受政府之明令縮領市政當此殘破之餘百端待理日夜皇皇深懼失墜今幸略有端倪急檢志書付之梓人獨是新學盛行一日千里而陳言是務未免貽譏然拱璧以求之敝帚而棄之心胡可忍况滄桑之變瀾漫全國各種圖書與土俱焦者不知凡幾而此志乃抄存孤本不及今而刊行之倘有朽蠹散軼是鄉邦文獻

序

六

湮沒於余一人之手此種咎戾將焉諉乎是役也挾祕藏而介抄者濰縣丁君稼民也臨時助校者日照丁君惟淮也校訂惟勤始終其事以底於成者日照丁君春臺也權輿於五月下旬告竣於八月杪用弁數言以誌顛末

中華民國二十八年八月吉日東萊趙琪謹識於青島



右像為 先六世從祖兵部尚書見田公諱燿遺影於萬歷
癸卯年與邑 先哲大理寺丞董公諱基同受太守 龍公
諱文明之聘纂修萊州府志者未幾 公丁外艱總纂之責
董公兼之而時與龍公造門受成焉今重刊府志擬將 三
公遺像敬摹簡端以示繡絲模金之意無如代遠年湮 龍
公之像既無從訪求即 董公之像亦遍求不得謹將 公
之遺像影印卷首掛漏之譏恐所未免然當時以文字緣聲
應氣求萃 三公之心血成為一書則讀其書者想見其為
人覩 公遺像將愈以神往 兩公也

重脩萊州府誌序

余自解武林綬歸跼伏林莽蓋踰八年所歲壬寅輒違初服復小草及走東甌道上則秋高氣爽齊魯未了之青時時氤氳被間因覓筍輿問蒲車菹藉故道夜半登觀日峯見頰玉盤喜微浮動輒引睇而左榮成之罌出沒波間疑若有金銀宮闕縹緲而掩暎者此非祖龍夢戰而漢鉅公候牽狗老父處乎今

聖天子萬壽無疆卽徐福公孫卿輩復出終不爲五城十二樓騷然煩費獨間者島夷之不然京觀雖築而鯨鯢之鬣猶慮時鼓也睠茲東海蓋有慎守其一之思焉且璧馬之役繁興

序

瓠子之歌未奏

聖天子誠一旦倏然而微神貺於島漠追殊績於金符則不其不夜之間蓋右臂運而仰吭舖乎蒿目者乃謂三面負海地瀉鹵而少五穀民安所藉以逐什一雖昔尙父設輕重以合諸侯成霸功而萊故稱海王今原繭之絲蔽日而翼虎且晝攫市嶮同鑊邪岬屹苴虎時有潢池之弄是郭灌復擊轅於肘腋而

廟堂宵旰且右顧也第卽墨一彈丸田將軍得之以復七十二城若還諸寄張子高何人哉膠東盜賊起乃從山陽守請身治之不數月而境內晏然語有之金輿玉軸歷險不覆嗚呼

河山未改英烈如生其在後之人乎其在後之人乎爲之徘徊不忍去及謁銓遂被令

命則萊牟三郡實受事焉噫亦一奇已夫子與氏好言王道每致嘆於典籍之不存蕭鄴侯入關首收圖籍而炎劉啓祚余意萊故稱好經術而矜功名視事閱數月時時得延見萊守永新龍君余雅知君治萊百廢具興彬彬稱循良績也余一日問郡所爲山川土田戶口食貨甲兵阨塞人物官師與夫古今之建置興除民風吏治龍君曰郡固舊有誌哉自嘉靖乙未鄉先達文簡毛公所輯距今週一甲子有奇諸所爲山川土田種種時遷事易今是昔非者殆不可縷數而舊誌皆

序

一一

闕如茲且新之屬里中搢紳先生習載籍嫻文采秉權衡者任其事簡一二屬員暨諸文學掾史佐之殺青有日矣尋以所脫稿而問序於余余受而卒業焉見爲圖若干表若干志若干傳若干總其言若干其事核其文曲而中燦如也亦又秩如也美哉良史乎視昔殆備且盛矣余復作而嘆曹平陽相齊得蓋公而齊治蓋公萊產也垂之簡冊僅清靜數語而止其施爲次第卒未有能譔次之者平陽不文固無足異眉山蘇長公非以文章雄伯乎宦輒所到無不勒琬琰以示明徵何往返萊牟居一月僅禱海市賦一詩去其譔次亦不少概見豈傳舍萊而不暇給耶平陽負蓋公長公負萊余竊憾

之今龍君守萊萊既大治又思所以志萊之治使後之守萊者以萊治萊不至如子輿氏之興嘆而令弔古之士亦不至如余不佞望洋於蒼茫雲水間徒臨風而搔腕也今龍君秉憲東牟文經武緯萊固不負龍君余亦可藉此以不負萊也是爲序

萬曆歲癸卯嘉平月吉山東布政使司右布政使分守海右道前刑科右給事中皖人劉尙志撰

重修萊州府志序

夫郡之有志蓋所用植教維風匪細典也吾萊固在海澨然提封千里冠蓋比蹟

祖宗二百餘年教化翔洽文物斌斌蔚起山以東稱名郡矣而志可少哉當歲辛丑今憲使龍公來守吾郡問志蓋嘉靖中郡守胡公剏修迄今業七十年所靡有嗣其媾者而俗化推移一切幾於散失則慨然欲增修之顧其時海上多故方蒿目弗遑再閱歲既殫精畢力庶役次第底績度其儲餘猶可爲志舉也迺開館局庚新義例檄所部各採故實以屬不佞燿暨董大理公裁正焉不佞纔一受簡輒有先君大故而大

序

一

理長才偉負方銳意著作不難獨力肩之於是盡發羣書集諸生四五輩以資檢閱而躬自讐校間以疑質不佞龍公亦時時枉車騎問勞相抵掌揚扨今昔蓋匪直七十年間採掇靡遺絜自有志以來數百載緣習之誤咸一一釐正務可信可傳其用意亦勤矣自春徂冬八閱月而志成迺手以示不佞曰此其事在往牒而其義則基竊取者也亦足以備一郡之典稱龍公指乎不佞受而卒業穆然有當於心獨慨風會之流而莫之輓也竊於身先衆庶者有厚望焉議者或謂志以識事烏用有所譏評不佞以爲不然蓋郡之志猶國之史也無媾刺焉用史爲故志旣識其事而於是非取舍之際尤

必衡以大義未始緣情毀譽俾後之覽者有所觀擇以不昧
所從此史氏遺意亦維持風教之一機也胡庸廢哉龍公聞
而善之謂不佞叨與始事因督爲之序命再至爲序如此若
其損益將有後之君子不佞何敢知已

萬曆甲辰春三月既望郡人趙燿序



序

二

修志姓氏

監司

分守青萊登兼管萊州海防道右布政

劉尙志

整飭登州海防兼管登萊兵巡道僉事

伍可受

提調

萊州

府

知

府

府

龍文明

協贊

萊州

府

同

知

知

訢談

通

判

李汝珍

推

官

王謨

掖縣

縣

知

縣

劉蔚

孟希孔

修志姓氏

一

平

度

州

知

州

史朝貞

昌

邑

縣

知

縣

李惟中

常時芳

維

縣

知

縣

官應震

膠

州

知

州

趙尙忠

高

密

縣

知

縣

唐允中

卽

墨

縣

知

縣

李一敬

纂修

都

察院

右

僉

都

御

史

郡

人

趙

耀

南

京大

理

寺

右

寺

丞

郡

人

董

基

類輯

膠

州

同

知

潘蔓

監閱

掖縣儒學訓導

曹光謙

供給

掖縣典史

黃三謨

查閱

萊州府儒學生員

王信璧

孫維謙

張夙知

掖縣儒學生員

侯効職

葛名儒

繕寫

長洲儒士

溫如玉

修志姓氏

凡例

一郡志創修遍考通志通考左傳國語國策

大明一統志山海經酈元經水經齊乘方輿勝覽天下名山勝蹟記二十一史管子晏子風俗通及近時吾學編諸書并毛文簡公各州縣舊志參以薦紳父老家言信信者則書而疑疑者則俟後之作者

一作志以司馬遷爲準故略做十表作沿革諸表做八書作星野諸志做列傳作名臣等傳又做本紀作大事記紀古今大事據事直書善惡自見在志傳後者一方之事不敢顯然擬帝紀也卷末爲典籍藝文若卷端刻諸圖則欲開卷使千里提封如對也

一名山大川凡經見者悉書而後以俗名者皆改正

一郡有藩臬各道前後更置不一舊志所無今入職官表傳內如古刺史節度使之例但曾駐本府者方入

凡

例

一各處科目有原籍係郡人者俱查入

一墳墓載古墓及近代都御史以上

一名臣悉採近代言行錄諸書及公論惟卓然名世者入之下此入人物俟後日公論

一列傳所序諸賢必蓋棺論定郡人則生平無媿職官則功德不泯方入若見存於世卽一時聞人亦不敢私卽一語不敢褒

一忠義武功紀郡人附職官者以類從也

一武職舊志甚略今入兵防內參遊守備俱載指揮以下惟載員數

一孝義節烈非旌表不書懼不公也婦死卽書其節已完也

一山川寺觀廨宇祠院其碑碣詩文惟名筆古雅可傳者入之近時蕪陋俱削不

錄

一典籍但係萊人及遊宦於萊者所著所刻中有可錄俱載

一文藝但涉於萊佳者俱載其有關世道風土及可考興革可尋往蹟者卽文不
雅馴亦錄不亦附見其略

凡

例



二

考異

紀葛盧根牟通志以入萊沿革今考春秋葛盧介君名紀在壽光根牟在安丘宣城伯祠永康侯祠通志以入萊祠廟今考二祠俱在登州

卓茂王密舊志入萊宦蹟今考漢書卓茂爲密令乃河南密縣王密爲昌邑令乃兗州金鄉漢時昌邑縣也

鄧禹舊志入名宦今考禹封高密侯非宦萊

魏鸞淳于朗舊入宦蹟今考二人在萊無政績

鄭道昭父子魏齊諸史謂相繼爲兗州刺史兗州南小山有道昭字刻述祖見之流涕今考道昭父子實相繼刺光州天柱山刻鄭父子銘而萊城南十五里高望山巔道昭石刻宛然在焉

王真通志舊志入名宦今考真平妖賊入武功

管邴李劉諸人邑舊在萊屬今割屬青登不具載已附論人物諸傳後

考

異

一

孫崧孫嵩孫賓碩通志舊志似三人皆萊人物今考漢書孫崧卽孫嵩字賓碩安丘人

王烈通志舊志以爲北海人今考漢書太原人

劉休賓通志舊志以入人物今考南北諸史休賓先仕宋爲顯官後以妻子故降魏大節不足取故除之

北海王詳濰志以姓王名詳考魏史北海王名詳魏宗室也本拓跋氏

王景通志舊志入人物今考景歷事四姓大節不足

童信王麒舊志入人物今考二人俱遼東武弁

徐文通志舊志俱南北朝今考金史文先爲趙宋臣後降劉豫又事金

崔世榮平度志以爲元人今考世榮爲定海判官定海軍金所置旋自金廢則世榮金人也

蔡相塚平度未載今考齊乘有之

萊州府志目錄

凡例

考異

第一卷

星野圖

府總圖

府城圖

州縣衛境圖

州縣營衛城圖

大澤山圖

勞山圖

海運圖

膠萊河圖

沿革表 志附

封建表 志附

第二卷

職官表

星野

疆域

形勢

目

錄

山川 海運膠萊河附

第三卷

城池

公署

鄉社

戶口

田賦

徭役

馬政考

風俗

物產

學校 書院小學社學附

第四卷

祀典 廟宇附

選舉 武科附

第五卷

封贈 任子附

兵防

屯田

將材

橋梁

驛傳

鋪舍

宮室

市集

堤堰

儲卹

帝迹

賢哲

宦蹟

名臣

人物

第六卷

忠義

孝友

儒林

文學

武功

隱逸

善行

僑寓

列女

方技

目

錄

古蹟

墳墓

寺觀

仙釋

災祥

外傳

志異

傳疑

大事記

典籍


第七卷

藝文上


第八卷

藝文下

北
圖野星



圖



東

西

南



萊州府城圖

圖


東

西二百六十里至青州昌樂縣界

二




界縣城諸州青至



圖


三





王徐寨城圖

圖




東




四

海



圖


平度州境圖




東至萊陽縣界七十七里

西

五



北
武真



平度

按察司

布政司

儒學

官倉

預備倉

南

平度州城圖

圖

東

六

西至昌邑縣界七十八里



里十五界

高望山

七里山

萊山之

海眼石

大豁口

魯王廟

藥石河

土山

界山

蘓村河

寧威塚

武山

大山

膠河

救吾泉

秦王河

社學

總舖

蔡狀元墓

八蜡廟

社稷壇


州

壇川山

三戶山

河


里十七界



大澤山圖

東 西

七



昌邑縣境圖

圖


東至平度州界六十里

西

八



北



昌邑縣城圖


圖

東

南


西至濰縣界四十里

九



里十五

里十二百一




雒縣境圖

東至昌邑縣界六十里


圖

十




濰縣城圖

圖



東

西至昌樂縣界二十五里



十一

北十五里




南十七里

圖

東三十里即墨縣界


西

十二



膠州城圖


圖



平度州界


西二十五里高密縣界

東



十三

州度平至北




縣城諸至南


圖

東至膠州三十里

西



十四




高密縣城圖

圖

東

西至安丘縣界七十里

十五



里十四界

里十六界

北至平度州




南至浮山


圖

東至鰲山衛四十里

十六



北
武真



南


即墨縣城圖

東

圖

十七

西至膠州界七十里





界十八里

寨十九里

即墨營城圖

圖




東

西

十八

北




勞山圖

圖

東

西

十九



娘娘廟

廣禪寺


南

北




圖

東 西




二十

南




靈山衛城圖

圖



北




南

圖


東 西

二十三




鰲山衛城圖

圖



東


西






圖

西



二十四




圖


二十五

膠萊河總圖

招遠縣境龍河等山東

圖





沿革封建

萊自開闢以來夷於唐虞三代割裂於春秋戰國郡縣於秦更遷迭置於漢晉隋唐宋元累代之所經營諸侯王之所帶礪然自昔北海膠東膠西稱為富強而夜邑之奉史氏所侈今其地何如哉蕭然六七城固不足當大藩一縣是宜國朝分封無一言及萊矣

萊州府沿革表

總部	郡國 <small>直隸州附</small>	州縣
唐虞 青		
夏 青 過		
商周 青		
春秋 齊 萊 濰		
密 淳于 郿		

萊州府志卷一

介州		
戰國 齊		
秦 齊郡東境		
漢 青州部	東萊郡	掖 平度 曲成 當利
	北海郡	淳于 平壽 都昌
	膠東國	卽墨 下密 壯武
	高密國	高密 夷安
	瑯邪郡	不其 祓 黔陬 計斤 高陽
	徐州部	臯虞 長廣
東漢 青州部	東萊郡	曲成 掖 當利 長廣 黔陬
		不其
	北海國	平壽 都昌 淳于 高密 夷安

萊州府志卷一

晉 青州部

東萊國

掖 當利 曲成

膠東 卽墨 壯武 下密

濟南郡

平壽 下密 膠東 卽墨

城陽郡

淳于 高密 壯武 黔陬 夷安

北海郡

都昌

長廣郡

不其 長廣

南宋 青州部

東萊郡

曲成 掖 當利

北海郡

都昌 膠東 卽墨 下密 平壽

高密郡

黔陬 淳于 高密 夷安

長廣郡

不其 長廣

北魏 青州部

北海郡

下密 都昌 平壽 膠東

光州部

東萊郡

掖 曲成

長廣郡

卽墨 不其 當利 長廣

平昌郡

淳于

隋 膠州部

高密郡

高密 黔陬 夷安

青州部

東萊郡

掖 膠水 卽墨

北海郡

都昌 北海 下密

高密郡

高密 膠西

唐 河南道 萊州東萊郡

掖 膠水 卽墨

青州北海郡

北海

密州高密郡

高密

宋 京東東路 萊州

萊州

掖 膠水 卽墨

密州

密州

高密 膠西

濰州

濰州

北海 昌邑

金	山東東路	萊州	掖	即墨	膠水
		密州	高密	膠西	
		濰州	北海	昌邑	
元	山東東西道	般陽路總管府	萊州	掖	膠水
		益都路總管府	濰州	北海	昌邑
			膠西	即墨	
皇明	山東布政使司萊州府		掖	平度州	濰
			高密	即墨	昌邑
					膠州

禹貢青州之域古萊夷地春秋時爲萊濰介州諸小國萊在今黃縣東南二十里齊侯遷萊于于郕在國之東始稱東萊戰國屬齊秦爲齊郡東境漢析置東萊郡治掖縣隸青州其餘地分屬北海膠東高密諸郡國及徐州之瑯邪郡東漢徙治黃縣大略相因惟省膠東高密入北海國而以瑯邪之黔陬不其改屬於東萊郡

萊州府志卷一

晉爲東萊國復治於掖及濟南城陽長廣諸郡皆隸青州劉宋仍改爲郡徙治曲成元魏皇興中分青州置光膠二州以北海郡隸于青東萊長廣平昌三郡隸于光高密一郡隸于膠東萊郡治於掖隋初罷郡改光州爲萊州大業初廢州爲郡曰北海曰東萊曰高密仍隸于青州唐因之爲萊州東萊郡青州北海郡密州高密郡而總屬于河南道宋爲萊濰密三州屬京東東路金於州置定海軍後廢定海仍爲州屬益都府山東東路元初屬益都路中統五年屬淄萊路至元二年屬般陽益都二路

皇明洪武元年陞萊州爲府隸山東行省領登州甯海州二州掖萊陽招遠文登膠水棲霞黃福山八縣六年割登州及所屬棲霞黃福三縣直隸行省惟留膠水屬萊九年陞登州爲府割萊陽招遠甯海州文登以屬登乃割青州昌邑濰州膠州卽墨高密以益萊始降濰州爲縣十九年又陞膠水爲平度州以昌邑濰二縣爲屬凡領州二縣五隸山東等處承宣布政使司

掖縣沿革表 以後各州縣表三代前總部與府同不悉錄

	總部	郡國	直隸州附	州縣
春秋	齊 萊			
戰國	齊			
秦		齊郡東境		
漢	青州部	東萊郡	掖	曲成 當利
東漢	青州部	東萊郡	曲成	掖 當利
晉	青州部	東萊國	掖	當利 曲成
南宋	青州部	東萊郡	曲成	掖 當利
北魏	光州部	東萊郡	掖	曲成 當利
隋	青州部	東萊郡	掖	
唐	河南道	萊州東萊郡	掖	

萊州府志卷一

宋	京東東路	萊州	掖	
金	山東東路	萊州	掖	
元	山東東西道般陽路總管府		掖	
皇明	山東布政使司萊州府		掖	

夏寒泥封子澆爲過國漢置掖縣爲東萊郡治以掖水出縣東南寒同山故名東漢徙郡治于黃掖爲屬縣晉改爲東萊國都南北朝劉宋屬東萊郡元魏復爲郡治置光州轄之取境內光水爲名北齊以曲成當利二縣省入隋改爲東萊郡治唐宋金萊州與東萊郡迭更皆以爲倚郭元亦爲萊州倚郭皇明洪武初陞萊州爲府仍附郭

平度州沿革表

春秋	齊 萊	郡國	直隸州附	州縣
	總部			

戰國	齊		
秦		齊郡東境	
漢	青州部	東萊郡	平度
東漢		膠東侯國	
晉	青州部	北海國	膠東
南宋	青州部	濟南郡	膠東
北魏	青州部	北海郡	膠東
齊	青州部	長廣郡	長廣
周	青州部	長廣郡	長廣
隋	青州部	萊州	膠水
		東萊郡	膠水

萊州府志卷一

唐	河南道	萊州	膠水 膠東
宋	京東東路	萊州	膠水
金	山東東路	萊州	膠水
元	山東東西道登州般陽路總管府	膠水	膠水
皇明	山東 ^東 布政使司	登州	膠水
		萊州府	平度領昌邑濰縣

春秋萊子國地後屬齊漢置平度縣屬東萊郡後改置膠東侯國以境西有膠水故名東漢爲膠東縣屬北海國晉屬濟南郡南北朝劉宋屬北海郡元魏因之後齊廢膠東入長廣縣屬長廣郡後周徙郡治于長廣縣隋開皇三年郡廢改屬萊州仁壽元年改長廣爲膠水縣大業三年復屬東萊郡唐武德初析置膠東縣皆屬萊州貞觀元年省膠東入膠水天寶元年復屬東萊郡宋金皆屬萊州元屬登

州般陽路

明初亦爲膠水縣屬登州九年升登州爲府仍留縣隸萊州府二十一年復陞平度州屬萊州府二十五年將軍韓全奏請割移風三鄉屬卽墨縣轄縣二曰昌邑曰濰縣

昌邑縣沿革表

	總部	郡國	州縣
	齊 部 密	直隸州附	
戰國	齊	齊郡東境	都昌 芙蓉
秦			
漢	青州部	北海郡	都昌
東漢	青州部	北海國	都昌
晉	青州部	齊郡	都昌
萊州府志卷一			
南宋	青州部	北海郡	都昌
北魏	青州部	北海郡	都昌
後齊	青州部	高陽郡	都昌
隋	青州部	北海郡	都昌
唐	河南道	青州北海郡	北海
宋	京東東路	濰州	昌邑
金	山東東路	濰州	昌邑
元	山東東西道益都總管府		昌邑
皇明	山東布政使司萊州府		平度州昌邑

周郟城左傳莊公元年齊師遷紀于郟城卽此在齊爲都昌又地名芙蓉景公以封晏平仲而不受齊七十二城之一漢置都昌縣屬北海郡東漢改郡爲國縣仍

爲屬晉屬齊郡後屬北海郡南北朝劉宋爲北海郡治元魏因之後齊改屬高陽郡隋開皇初罷高陽爲濰州都昌屬如故大業二年州廢復改北海郡唐廢入北海縣屬青州北海郡宋建隆三年復置始改名昌邑屬北海軍乾德三年軍陞爲濰州縣仍爲屬金元因之

皇明洪武初隨州屬青州府九年改屬萊州府二十一年改屬平度州屬府如故

濰縣沿革表

	總部	郡國 <small>直隸州附</small>	州縣
春秋	齊 濰		
戰國	齊		
秦		齊郡	
漢	青州部	北海郡	平壽
		膠東國	下密

萊州府志卷一

東漢	青州部	北海國	平壽 下密
晉	青州部	濟南郡	平壽 下密
宋	青州部	北海郡	平壽 下密
北魏	青州部	北海郡	平壽 下密
後齊	青州部	高陽郡	平壽 下密
隋	青州部	北海郡	北海 下密
唐	河南道	青州郡	北海
宋	京東東路	濰州	北海
金	山東東路	濰州	北海
元	山東東西道益都路總管府		濰州 北海
皇明	山東布政使司萊州府		平度州 濰縣

列國屬齊秦屬齊郡漢屬青州部爲北海郡附郭平壽膠東國下密二縣地東漢

皇明 山東布政使司萊州府

膠州領高密卽墨

春秋爲介國後屬齊漢置黔陬縣屬徐州部瑯邪郡文帝分齊置膠西王國尋復爲縣屬瑯邪如故東漢爲侯國屬東萊郡晉屬城陽郡南北朝劉宋爲高密郡治元魏永安始置膠州以境內膠水爲名領高密郡黔陬縣屬隋開皇五年高密郡廢改膠州爲密州以統縣十六年析置膠西縣大業初以黔陬省入膠西尋改州爲高密郡統之唐改密州高密郡屬河南道武德六年省膠西入高密以其地爲板橋鎮宋元祐三年以板橋鎮復置膠西縣兼置臨海軍屬京東東路密州金因之元至元間于膠西縣置膠州領之隸益都路 皇明洪武初省膠西爲州屬青州府九年改屬萊州府領高密卽墨

高密縣沿革表

總部

郡國

直隸州附

州縣

春秋 齊 淳于

高密

萊州府志卷一

戰國 齊

秦

齊郡東境

漢 青州部

北海郡

淳于

秦

高密國

高密 夷安

徐州部

瑯邪郡

高陽

東漢

青州部

北海郡

淳于 高密 夷安

晉 青州部

城陽郡

淳于 高密 夷安

南宋 青州部

高密郡

淳于 高密 夷安

北魏 膠州部

高密郡

淳于 高密 夷安

隋 青州部

高密郡

高密

唐 河南道

密州高密郡

高密

宋 京東東路

密州

高密

金	山東東路	密州	高密
元	山東東西道益都路總管府	膠州	高密
皇明	山東布政使司萊州府	膠州	高密

齊景公封宴嬰食邑春秋爲淳于公遷國戰國爲齊地秦爲齊郡漢初仍爲淳于屬北海郡尋以境內密水置高密又置夷安屬齊國文帝分封爲膠西王國宣帝更爲高密國東漢屬北海郡今濰縣晉割屬城陽郡南北朝劉宋太始初屬高密郡今膠州元魏因之爲郡治後齊省夷安淳于二縣入隋復爲高密郡縣仍屬焉後廢唐武德三年復置屬密州六年省膠西縣入而徙縣治夷安故城宋屬密州金因之元屬膠州

皇明因之

卽墨縣沿革表

總部

郡國

直隸州附

州縣

萊州府志卷一

春秋	齊			
戰國	齊			卽墨
秦		齊郡東境		卽墨
漢	青州部	膠東國		卽墨 壯武
	徐州部	瑯邪郡		不其 皋虞
東漢	青州部	東萊郡		不其
		北海國		卽墨 壯武
晉	青州部	濟南郡		卽墨
		城陽郡		壯武
		長廣郡		不其
南宋	青州部	北海郡		卽墨
		長廣郡		不其

北魏	光州部	長廣郡	卽墨	不其
隋	青州部	東萊郡	卽墨	
唐	河南道	萊州東萊郡	卽墨	
宋	京東東路	萊州	卽墨	
金	山東東路	萊州	卽墨	
元	山東東西道益都路總管府	膠州	卽墨	
皇明	山東布政使司萊州府	膠州	卽墨	

卽墨縣以臨墨水故名卽墨舊在平度州東八十里古現朱毛故城猶存周本齊地秦屬齊郡漢置卽墨縣屬齊國文帝割爲膠東國又置臯虞不其二縣屬瑯邪郡又置壯武縣屬膠東國東漢析不其屬東萊郡以卽墨壯武屬北海國省臯虞縣晉屬濟南郡南北朝劉宋屬北海郡元魏屬長廣郡後齊與不其縣并廢隋開皇十六年復置卽墨縣兼有不其縣地屬東萊郡後徙治於不其縣東北二十七

萊州府志卷一

里卽今治唐仍卽墨屬萊州東萊郡宋金因之元改屬膠州統於益都路

皇明國初仍屬益都路洪武九年陞萊州爲府卽墨縣屬膠州併屬萊州府

夏

寒

斟尋氏

過

甲父

王

公

侯

伯

子

男

周

武王

州

齊

萊

介

莒

漢初

膠東王市

萊州府志卷一

齊王田橫

漢

高祖

六年 齊悼惠王

都昌侯朱

肥

軫

曲成侯蟲

達

文帝

元年

壯武侯宋

昌

年十六

膠東王雄

渠

夏

寒 邳姓伯明氏之讒子弟曰浞夏之時封於寒羿篡夏任之以爲相浞行媚於內而施賂於外樹之詐慝以取其國家內外咸服乃殺羿而代之夏遺臣有鬲氏收斟灌斟尋餘燼滅浞立少康漢之平壽縣有寒亭今濰縣是也

斟尋氏 夏同姓諸侯仲康之子后相所依浞命子澆滅之漢書曰斟尋在北海縣又路史齊南平壽古斟尋國

過 猗姓寒浞處其子澆于過豷于戈靡既滅浞立少康少康乃滅澆于過后杼滅豷于戈有窮由是遂亡過在今萊州府掖縣有過鄉有過亭戈在宋鄭之間

甲父 炎帝後今昌邑東南有甲父亭又甲父城在單傳有甲父之鼎

周

齊 太公望呂尙從武王以平殷亂封於齊都營丘今濰縣南三十里有營丘城卽古齊國至春秋時滅萊有之

萊州府志卷一

四三

州 姜姓公爵春秋桓公五年州公如曹左傳曰淳于公如曹州公都淳于也六年自曹來不復州亡而杞遷居之城陽淳于縣是今高密安丘之境

萊 姓未詳或曰姜姓炎帝之後子爵蓋東方夷國也禹貢萊夷作牧太公就封時亦嘗間周室未定起兵來爭營丘春秋襄公二年齊伐萊萊使正輿子賂夙沙衛馬牛皆百疋齊師還六年齊晏弱圍萊環城傅於堞萊共公浮柔奔棠晏弱圍棠滅之遷于邠萊在今登州黃縣

莒 嬴姓子爵出自少皞之後茲輿期武王封于莒初都介根後徙今莒州

介 東夷國也曉鳥獸言春秋魯僖公二十九年介君葛盧兩朝于魯葛盧聞牛鳴知是生三犧皆用國在城陽黔陬縣今膠州

漢初

膠東王田市 田儋子項羽分齊爲三國以市爲膠東王都卽墨後榮殺市而自立齊王田橫 田榮與項王戰敗死項王復立假爲王榮弟橫立榮子廣爲王攻假假

走廣立三年爲韓信擊殺國遂屬漢而爲郡縣田橫自立爲齊王戰敗走保海島
漢高帝既定天下遣使召之橫自剄帝以王禮葬之

漢

齊悼惠王 高祖微時外婦之子肥六年封爲齊王食七十餘城薨子哀王襄嗣薨
子文王則嗣薨無子國除地入于漢文帝十六年憐悼惠王適嗣乃分齊爲六國
盡立前所封悼惠王子列侯見在者六人爲王子揚虛侯將閭爲齊王都臨淄子
安都侯志爲濟北王子劫侯辟光爲濟南王都東平子武城侯賢爲菑川王都劇
子平昌侯卬爲膠西王都高密子白石侯雄渠爲膠東王都卽墨與故城陽凡七
王將閭立爲齊王吳楚反齊王狐疑城守膠西菑川濟南三國兵共圍齊欒布等
兵至齊擊破二國兵解齊圍已而復聞齊初與二國有謀將欲移兵伐齊齊王懼
乃飲藥自殺景帝愍其以迫劫有謀非其罪也乃諡爲孝王復立其太子壽於齊
是爲懿王續齊後卒子厲王次昌立爲主父偃所構自殺無子國除改爲齊郡齊

萊州府志卷一

四四

國凡六傳七十六年

膠東王 卽齊悼惠王子雄渠封膠東王食卽墨昌武下密壯武都秩挺觀陽鄒盧
八縣孝景三年坐同吳楚反伏誅國除膠東國凡十一年地入于漢爲膠東郡

膠西王 卽齊悼惠王子卬封膠西王都高密孝景三年坐同吳楚反伏誅國除膠
西國凡十年地入于漢爲膠西郡

膠西于王 景帝子名端以前三年封立四十七年卒無子國除爲膠西郡

膠東康王 景帝子名寄武帝自膠東王立爲太子中元二年遂封寄爲膠東王淮
南王安謀反時寄微聞其事私作兵車鏃矢戰守備備淮南之起及吏治淮南事
亂及之寄於上最親意自傷發病而死不敢置後於是上聞寄有長子賢母無寵
少子慶母愛幸寄常欲立之爲非次因有過遂無所言上憐之立賢爲膠東王奉
康王祀而封慶爲六安王王故衡山地膠東王賢立卒是爲哀王子戴王通平立
卒子項王音立卒子共王授立卒子殷立王莽時絕膠東凡六傳一百五十八年

高密哀王 名弘廣陵厲王小子武帝孫也宣帝本始元年封爲高密王高密故膠西也食高密等五縣哀王立卒子頃王章立卒子懷王寬立卒子慎立王莽時絕高密四傳凡八十二年

都昌侯朱軫 以舍人從起沛以騎隊帥先降翟王虜章邯功侯傳率誅偃辟彊無後國除先玄孫復家

曲成侯蟲達 以曲成戶將率三十七人從起碭至霸上入漢定三秦破項籍侯四千戶楚漢春秋作掖侯蟲達蓋改封也掖與曲成昔屬東萊郡漢書註曲成有萬里沙今萬里沙乃在掖縣東北三十里蓋曲成併入掖也臯柔坐罪論鬼薪宣玄孫復家

壯武侯宋昌 以家吏從高祖起山東爲代中尉勸文帝驂乘入卽位侯一千四百戶孝武四年有罪奪爵爲關內侯

平度侯行 菑川懿王子傳慶忌師軍欽宗嘉

萊州府志卷一

四五

稻侯定 齊孝王將閭子傳陽都咸閱永王莽時絕

臯虞侯建 膠東康王寄之子景帝之孫武帝時封傳定哀勳顯樂王莽時絕

博陸侯霍光 先事武帝以覺得謀反者馬何羅功侯三千戶中輔幼主昭帝益封邑萬戶後事宣帝益封二萬戶傳禹謀反族誅國除

溫水侯安國 膠東哀王賢之子寄之孫昭帝時封坐上書妖言免膠東國都卽墨縣卽墨東四十里有溫泉封溫水侯者蓋取諸此

高陽侯並 淮陽王欽之子宣帝之孫成帝時封

膠東侯恁 高密頃王章之子武帝之玄孫成帝時封

密鄉侯林 膠東頃王之子成帝時封傳欽敞

高密侯 高密哀王弘之子武帝之曾孫成帝時封

東漢

北海靖王興 齊武王縯次子建武二年封爲魯王以嗣光武兄仲後後徙爲北海

王食劇等十八縣傳敬王睦睦少好學能屬文作春秋旨義終始論及賦頌數十篇又善書卒子哀王基立永平十八年封基二弟爲縣侯二弟爲鄉侯建初二年又封基弟毅爲平望侯卒無子肅宗憐之不除其國永元二年和帝封睦庶子斟鄉侯威爲北海王奉睦後立七年威以非睦子又坐誹謗檻車徵詣廷尉道自殺永初元年鄧太后復封其孫壽光侯普爲北海王是爲頃王延光二年復封睦少子爲亭侯普卒子恭王翼立卒子康王立無後建安十一年國除不其侯伏湛 字惠公建武六年由陽都侯徙封

膠東侯賈復 南陽冠軍人爲縣掾下江兵起復亦聚衆數百人歸漢後北渡河從光武擊青犢五校羣盜破之帝卽位爲執金吾封冠軍侯渡河攻朱鮪降之建武二年益封穰朝陽二縣十三年定封膠東侯

高密侯鄧禹 南陽新野人以杖策從帝渡河運籌將兵入關拜大司徒建武元年封鄧侯食邑萬戶二年更封梁侯食四縣十三年以功高定封爲高密侯永平元

萊州府志卷一

四六

年薨諡元侯

晉

東萊王司馬懿 攸子出繼遼東王定國文帝子後徙封東萊齊王罔旣秉政懿密謀廢罔罪死

高密文獻王泰 宣帝弟武帝受禪封隴西王邑三千二百戶後改封高密王邑萬戶傳孝王略恭王俊敬王純之恢之宋受禪國除

魏

北海王詳 字季豫太和九年封後拜光祿大夫兼侍中車駕南伐詳行中領軍留守高祖崩顧命詳爲司空輔政世宗覽政遷侍中大將軍錄尙書事專政旣久以貪縱被逮暴死

後周

萊王宇文弼 宣帝子 見文獻通考

唐

東萊郡王泰 因太子承乾與泰交惡謀反廢立晉王治爲皇太子貶魏王泰爲東萊郡王

宋

萊國公寇準 字平仲下邳人少英邁通春秋三傳十九舉進士太宗時由參知政事罷知鄧州真宗卽位累遷同中書門下平章事契丹入寇請帝幸澶州渡河御北城門樓遠近望見踴躍歡呼聲聞數里契丹氣奪殺其將撻覽契丹懼請盟而去後封萊國公爲丁謂所忌貶雷州司戶參軍卒卒十一年復太子太傅贈中書令萊國公諡忠愍皇祐四年詔翰林撰神道碑帝爲篆其首曰旌忠東萊侯呂好問 以靖康之變委曲爲存社稷計累遷資政殿學士因先夢奇東萊人故封爲東萊侯紹興初貶靜江

國朝

萊州府志卷一

四七

高密王當湄 魯莊王子薨諡康穆子健柎嗣封

